

Si di berdad bo stima mi

*Na nomber di la Reina:
respeta mi lenga Papiamentu*

abo ta blanco
ami ta preto
anto kiko
si di berdad bo stima mi

abo ta grandi
ami ta chikito
ki mi tin cunes
yen tambe ta rondo

abo ta homber/macho
ami ta muhe/mama
anto kiko
abo no a pari mi

abo ta carga e Corona
ami ta bo Perla
ki mi tin cunes
sin Perla tampoco Corona

abo ta hero fuerte
ami ta bambu
abo ta keda dobla
ami ta waya bek

bo pirata colonial
bao banderin falso
a bolbe purba
desgracia mi alma

corta mi lenga
wega di antaño
ken ta shon
y ken ta catibo

tolerancia, integracion, igualdad
ora bo pirata ta comete atrocidad
di kier obliga y domina
cu su arogancia Caucaso

na bo ta keda
di cambia destino
pa hunto den igualdad
nos por dreña Paraiso

paso lo ke ta haci bo
ken bo ta
ta bo muestra di respet
pa mi lenga vernaculo

crusada di contraste
paradox monumental
ai, anto kiko
si di berdad berdad bo stima mi

Dedica na
Principe heredero Willem Alexander
Rey di Curason
©2007